

ԴՐՕՇԱԿ

„ՀԱՅ ՅԵՂԱՓՈԽԱԿ. ԴԱՇՆԱԿՑՈՒԹԵԱՆ“ ՕՐԳԱՆ

Փետրվար, 1892 թ.

„Դրօշակի“ 1 և 2 համարներում բերված էին թէ՛ Կոնստանդնուպոլսի յեղափոխական գործունէութիւնը առաջնորդող գլխաւոր սկզբունքները և թէ՛ նորա ընթացիկ կուսի ընդհանուր նախագիծը:

Այժմ կարեւոր ենք համարում համառօտապէս հիմնաւորել ընդհանուր ձեռք բերուած սկզբունքները և առաջ բերել մեր այն պահանջները, որ ձեռք պիտի բերվին ապստամբական ճանապարհով:

Պատմութիւնը մեզ օրոշեցանում է, թէ ամէն մի հասարակական դրութիւն, հետեանք լինելով նախնեթաց պայմանների, միևնույն ժամանակ պատճառ է այն ապագայի, որը երեան է գալու վայրը:

Ինչ պէս ներկայիս մէջ կարող ենք դնել անցեալի բոլոր գլխաւոր և ապրելու արժանի կողմերը. նոյնպէս կարող ենք ասել, որ ապագայ կազմակերպութեան բոլոր տարրերը կարող են զարգանալ միայն ներկայից: Հետեւաբար այս կամայն հասարակական հաստատութիւնները իրականացնելու համար բաւական չէ ունենալ կամք: Նոյն իսկ կարողութիւն ձեւելու հասարակական կազմակերպութիւնը այս կամ այն մողելից (բնական թէ իդէալական). գորտ համար անհրաժեշտ է, իբրեւ հիմք, վերցնել ժամանակին ու տեղին յատուկ այն պայմանները, որոնք համապատասխանելով հասարակական բարօրութեան պահանջներին, նաև ընդհանուր կերպով որոշում են մօտիկ ապագան:

Տեսեալիս (ինչպէս և հասարակական ու պատմական) խնդիրներ շօշափելիս, ասում էինք մենք Դրօշակի առաջին համարում, պէտք է զեկազարել երկրի կուլտուրայով և նրա ազգային ու պատմական անանձնայաակութիւններով:

Այժմ որչափ օրէնք է, որը սկսած Աօնից մի շարք փայլուն ուսումնականների շնորհիւ ընդհանրացաւ բոլոր գիտութիւնների վերաբերմամբ և որը յայտնի է վօլիւնտիական օրէնքի անուան տակ: Այլօլիցիական տեսակէտը զարգանալով-զարգանալով բռնեց նաև

փառաւոր տեղ ժամանակակից բազաքական կուսակցութիւնների ծրագրերում: Մենք մեր օրերում ամբողջ Կերմահայի ուսման արական կուսակցութիւնը իր ամենասիրելի և ամենաեղանակուն գործիչ Բէքելի բերանով բազմատեսակ պէգանների հասցէին ասեց հետեալ խօսքերը: „Մինչդեռ ամբողջ Նւրուպայում մենք չենք կարող ասել, ինչքաղ արական փոփոխութիւններ կը լինին վաղը, մեզ անից պահանջում են մանրամասնօրէն նկարագրել այն ապագայ կազմակերպութիւնը, որի միայն կերպարանքը կարող ենք նշմարել այժմ: Նոյն միտքը յայտնեց և Բերիսելում համազգային ուսման-սօցիալիստական ժողովը:

Ինչպէս յայտնի է, միակ իրական և գլխաւոր պահանջը, որը ընդունում է այդ ժողովում, գա 8-ժամեայ աշխատանքի խնդիրն է: Այժմ գործի և ոչ թղթի մարդ, Բէքելը անկարող է հետեւել 30-ական և 60-ական թուականների յեղափոխականներին և պահանջել այն, ինչ որ միայն իր կուսակցութեան կամքի մէջն է: Աօնիցները բազկացած լինելով զարկացած մարդկանցից, իր կուսակցութեան ապրելու և զարգանալու համար դիմում է այնպիսի պահանջներ, որոնց զօջակի տակը կարող է միանալ եւրոպական ժողովը բանտը գառակարգը և որոնք իրադործելի են հէնց այժմ:

Ահա այն պատճառները, որոնք վաղւայ կազմակերպութեան տեսակետից ստիպում են մեզ մեր ոյժերը կենտրոնացնել ներկայ հանգամանքների վերայ: Ինչպէս հեռաւոր անցեալին, նոյնպէս և իդէալական ապագային, մենք տալիս ենք երկրորդական նըշանակութիւն:

Ամէն մի օր Հայաստանի այս կամ այն անկիւնում կատարվում են սպանութիւններ, բռնի կրօնափոխութիւններ և ուրիշ հաղարու մի տեսակ բարբարոսութիւններ: Իհարկէ, այս բոլորի մէջ կառավարութիւնը ունեցել է մեծ դեր, սակայն անկարելի է անուշ աղիւր լինել և դեպի միւս պատճառները:

Քիւրդ ազգաբնակութեան մեծ մասը, բաժանուած լինելով ցեղերի՝ դեռ ևս պարապում է խաշնարածութեամբ, վարում է կիսաթափառական կեանք։ Նրա ձգտումները, բարոյական սկզբունքները բոլորովին տարբերվում են այն վարք ու բարքից, որոնք առաջին գալիս և զարգանում, երբ մարդս սկսում է պարապել հոգադործութեամբ, որոշ տեղում մշտական բնակութիւն է հաստատում, ենթարկվում է հասարակական կեանքի պահանջներին։ Բայց եթէ քիւրդը, իբրեւ բարոյականութեան հիմք, ընդունում է ցեղի շահերը, վրէժխնդրութիւն և քաջութիւնը, եթէ նա չի հասկանում անձի սրբութիւնը, արհամարանքով է վերաբերվում դէպի հոգադործական ծանր աշխատանքը, դէպի այն բոլորը, ինչ բղխում է աշխատանքի, քրտինքի գաղտնիարկից, խաղաղ մշակ հայն իր կացութեան վերջին ու տաճարը կառուցանում է աշխատանքի վրայ, զէկաւարվում է ազգային շահերով և ընդունում է այն բոլոր կապերի ու պարտականութիւնների անհրաժեշտութիւնը, որոնք հետեանք են առելի բարդ հասարակական պայմանների։

Այդպիսով սկսվում է մրցումն, պատերազմ՝ երկու տարրեր շրջանների պատկանող ժողովուրդների մէջ։ Կասկած չը կայ, որ ապագայում ցեղական սկզբունքը պիտի ոչնչանայ։ Ինչպէս որսորդութեան շրջանից մարդս զիմեց խաշնարածութեան նոյնպէս անհրաժեշտ է ներկայումս, որ քիւրդը դառնայ հաստատաբնակ, դիմէ հոգադործութեանը։ Մինչ և այս պատմական բարեշրջութիւնը չը կատարվի, խաղաղութիւնը չի հաստատվել, չի էլ կարող հաստատվել Հայաստանում։ Ապանությունները և աւաղակութիւնները թէև կը մեղմանան, բայց կը պահեն իրենց քրոնիկական բնաւորութիւնը։ Հասկանալի է գառնում, որ քաղաքակրթութեան շահերը պահանջում էին ոյժ տալ հոգադործի ձգտումներին, ապահովել նրա կեանքը, կայքը, աշխատանքը և խափել հետեւիլ օրինաւորներին։ Այդպէս վարվելով՝ կառավարութիւնը կատարած կը լինէր իր պարտքը և աշխրհիկների քայքայման հետ միասին կ'ապահովէր լուսաւորութեան տարածումը։ Այո, ուրիշ կոչը տաճիկ կառավարութեան դէմ ոչ միայն ազգային կրօն է, այլ և եւրոպական քաղաքակրթութեան ու մարդկային իրաւունքների դատ (Կրօնակ № 1)։

Անցնենք մեր կեանքի միւս գլխաւոր պայմաններին։ Հայաստանը նուաճող մահմադական սուլթանները ու զօրապետները չը հաստատեցին տիրած երկրում ժողովրդի համար փոքրի շատեւ ասպահով գրութիւն, չ' ստեղծեցին այն ամենատարրական պայմանները,

որոնք անհրաժեշտ են ժողովրդի՝ բազմաւառ, զարգանալու համար։ Նուաճած ազգերի ստրկութիւնը պահանջելու համար ամբողջ ուղղափառ տարրը ստացաւ մի զինուորական իշխող դասակարգի տիրար։ Գարեւոր ընթացքում ուղղափառ տաճիկը արհամարանքով էր վերաբերում դէպի գեաւ ու բնակչութիւն, պատիւ ու պարծանք էր համարում ճնշել, կողոպտել, անպատուել գեաւ ու բնիկ։ Միաժամանակ մահմադական պաշտօնեան ոչ միայն անտարբեր է եղել դէպի քրիստոնեաների շահը, այլ և անիրաւաբար միշտ մեղադրել, զրկարտել, բանտարկել, ամեն կերպ ճնշել-- վնասել է հային։ Այդպիսով չը նախելով, որ հաւասարութիւնը յայտարարված էր կեանքի ամենազրկաւոր սկզբունքներից մէկը, տաճիկ մոլեռանդութիւնը զրկեց հային և այս նահապետական առաւելութիւնից։

Իրաւունք չ'ունենալով գէնք ևս կրելու, որ հարկաւոր դէպքում կարող անար դռնէ ինքը իրեն պաշտպանել, հայր ակամայ պիտի ընկնէր աշխրհում՝ այն քրդի կամ բեգի հովանաւորութեան տակ, պիտի գնէր իր ապահովութիւնը աշխրհում՝ աշխատելով անհրաժեշտ հետեանք ժամանակակից պայմանների՝ օժիւնցաւ գանազան սովորութիւններով և ստացաւ յայտնի գոյն՝ որը իր բացասական կողմերով նմանում է ինչպէս եւրոպական միջնադարեան սրտեմային՝ նոյնպէս և հայ նախարարականին, որը իրենք տաճիկները Հայաստանը նուաճելիս, հայ ժողովրդի աջակցութեամբ, ջնջեցին յանուն հաւասարութեան։ Այդպիսով այն ճնշման վերայ, որը հետեանք էր թափառական խաշնարած կեանքի, առեւացաւ մի ուրիշը. ազգաբնակութեան մի մասի իշխումը միւսի վրայ։ Այդ անիրաւութիւնն էլ ոչնչացնելու համար պէտք էր կառավարութիւն, որը սակայն չը կար։

Չը կար, ասում ենք, որովհետեւ Պոլսու ամիրաների հիմնած կազմակերպութիւնը ստեղծված էր միայն զրացի ազգերի հետ մրցելու, քրիստոնեաների ստրկութիւնը պահպանելու ու հարուստ դասակարգի շահերին ծառայելու համար։ Հարկաւ այդ կառավարչական մեքենան չը թեթեւացրեց ժողովրդի որեւէ ցաւը, դարման չ'արեց նրա վէրքերին։ Այս սովորական Մէջիդի թանգի մաթը, ոչ էլ սահմանադրութիւնը չը շեղեցին ժողովրդի կեանքը ճնշման ճանապարհից։ Աշխատող տարրը, ենթարկելով գանազան սահմանափակումների, մտցնելով նորա կեանքի մէջ անելի յկարգ ու կանոն՝ և միաժամանակ կառավարութեան

զէկը, շնորհիւ ցնեղի, յանձնելով հարուստ դասակարգին՝ այս յկարգադրութիւնները՝ աւելի նպաստեցին նախկին չորբաճիկների սերնդին հարստահարել աշխատող ամբողջը։ Նախկին և նոր զրուծեան մէջ զանազանութիւնը նրանում էր, որ հարստահարութիւնը ստացաւ աւելի կանոնաւոր ձև։ Այսպէս՝ կառավարութեան երկամասը ապահովեցնելու համար էֆէնդիները և պաշտօնականները ստեղծել են մի աշխարհի սխեմա, որով հարկերի ծանրութիւնը ընկնում է գիւղացու և աղքատ արհեստագործի վրայ։ Թող մէկը միւսից հարուստ լինի տասը, հազար անգամ փոխելէ դուրս պիտի վճարեն համարեա թէ հաւասար, վաշխառական գրամագլուխը և աշխարհի ձեռնարկութիւնները, որոնք իրենց տէրերին մեծ գումարներ են տալիս, վճարում են համեմատաբար չնչին րան։ Հարկերի մեծ մասը, լինելով կողմնակի, կենսական միջոցների վրայ, ընկնում է հաւասար ծանրութեամբ աղքատ մշակի ու հարուստ բէգի վրայ։ Յիշենք արդեօք զինուորական տուրքի մասին, որը վերջին ժամանակներս հասել է ամեն մի քրիստոնեայ աղամարդից՝ 38 դահեկանի։ Ասենք արդեօք քրդերի, Պոլսոյ բնակիչների, մօլլաների, քահանաների մասին, որոնք թեթեւեղած լինելով հարկերից, այդպիսով իրենց բնաւ ձգտում են էլի աշխատաւոր դասակարգի վրայ։

Վերջապէս ժողովուրդը աւելի հաստատ կերպով հարստահարելու համար կառավարութիւնը ստեղծել է տեսակ տեսակ մօնօպօլիաներ (ծխախոտի, աղի, երկաթուղիների, հանքերի) որոնց նպատակն է մշակի զրպանից հանել իր աշխատանքի մի մասը և յանձնել եւրոպացի կամ տեղացի զրամատէրերին։

Ժամանակի ընթացքում կառավարութեան յիշեալ հարստահարութիւնների վերայ աւելացաւ և մի ուրիշը, ոչ աշխարհի նկատելի սակայն նոյնքան զոռելի. դա զանազան վաշխառուների, էֆէնդիների, բէգերի հարստահարութիւնն է։ Զը նայելով, որ մահմեդականների տեսակէտից առկուր հաւալ է համարվում, չը նայելով, որ հողը պատկանում է մշակողին, որ ամեն մարդ աղատ և հաւասար է միւսին՝ հարուստները՝ օգտվելով ամբողջ անտանելի զրուծից հազարաւոր գիւղացի զրկեցին մշակած հողից, շինած տնից, դարձրին նոցա իրենց հլու հպատակ։ Հայաստանում կարելի է մատնացոյց անել ամբողջ գիւղեր՝ որոնք այս էֆէնդու կամ աշխարհի բէգի սեպհականութիւնն են դառնել։

Հասկանալի է, որ այս անտանելի պայմանները աշխարհ զգացվում են ամենաճանր հետեանքներով։ Ժողովրդի աղքատութիւնը օրէն օր սաստկանում է և նեղ զրութիւնից դուրս գալու համար,

նա ստիպված է աւելի և աւելի մեծացնել գաղթականութիւնը իր հետ կապված թշուառ հետեանքներով։ Հոսանքը աշխարհի մեծ է, որ Հայաստանում կարելի է գտնել շատ աւաններ, որոնց բնակիչները կիսով չափ կամ ամբողջովին գաղթած են հետաւոր երկիրներ։ Սկսվելով հայերից և յոյներից՝ պանդխտութիւնը վերջերս արմատ է ձգել և խաղաղ մահմեդական ազգաբնակչութեան մէջ։ Թշուառութիւնը հասել է աշխարհի աստիճանի, որ ժողովրդի աճումը նկատելի կերպով թուլացել է՝ եթէ զադարած չ'է արդէն մի քանի գաւառներում։ Այսպէս քանի քնայ՝ այս ընթացքը աւելի ոյժ պիտի ստանայ, որով հետեւ տուրքերը շատացնելով՝ կառավարութիւնը ոչ մի միջոցների չ'ի գիտում երկրի արդիւնաբերութիւնը բարձրացնելու համար։

Հաղորդակցութեան ու հետեապէս երկրագործական միջոցների արտահանութեան հարցը, որը ունի կենսական նշանակութիւն հողագործ հայ ժողովրդի համար՝ մնացել է բաց, չը նայելով ծանապարհատուրքի ծանրութեանը։ Զանազան պատահական շարիքներից (աղաւթ, երաշտ, կարկուտ և այլն) ժողովրդի ապահովութեան խնդիրը չը կայ կարծես տաճիկ կառավարութեան համար։ Այն յերկրագործական անդուկը, որը այդպիսի հանգամանքներում պիտի օգնութեան դար ժողովրդին, զանազան ձեւերով թիւնների պատճառով ծառայում է միայն վաշխառուների շահերին, իսկ ժողովուրդը նրա դուրսութեան մասին գաղափար անգամ չ'ունի։ Նոյնն է և պարտադիր ուսման օրէնքը. դուրս համար վերցրած տուրքը ծախսվում է զլխաւորապէս մի քանի միջնակարգ գաղթների վրայ, որոնք յաճախում են միայն հարուստ քաղաքացի մահմեդականների որդիքը։ Զը պիտի մոռանանք և աշխարհի վերջին երկու տուրքերի (ուսումնակ. և երկրագ. անդկի) մեծ մասը ծախսվում է բոլորովին տարբեր հիմնարկութիւնների վրայ։

Վերջապէս հարկաւոր է յիշել և մի երեւոյթ կառավարութեան ներքին քաղաքականութեան մէջ աշխարհի քրիստոնեայ ազգաբնակչութիւնը նուազեցնելու և եթէ կարելի է նոյն իսկ ջնջելու գիտակցական ձրդտումը։ Քրիստոնեաների աննշան թիւը համեմատաբար աղաղակների թուի հետ ի հարկէ կառավարութեան ձեռքում կը լինէր ամենաուժեղ մի միջոց վերանորոգումներ պահանջող ամեն տեսակ ձայների գէժ կոռուելու համար։

Այդպիսով այս համառօտ ընդհանուր տեսութիւնից պարզվում է, որ տաճիկահայ ժողովրդի զրութիւնը միանգամայն սարսափելի է շատ կոյ մերից։

Ազատել ժողովրդին այդ անտանելի զրութիւն-

կտրեց անգութը. արդեօք Արարիչը միշտ անմխի-
թա՞ր պիտի թողնէ զքեզ...»

ՆԱՄԱԿ ԱԼԵՃՊԵՏԻՑ

Հ Ր Ո Ս Ա Կ Ա Յ Ի Ն Խ Ա Ր Ի Կ Ո Ւ Ը .

Անցեալ տարուոյ գարնան սկիզբներին աւազակապետ
Յարութիւն ազան իր խմբով գտնվում էր Ալաշկերտի
շրջականներում: Խմբին հասնում էին այդ միջոցին ամէն
կողմից սրտաճմլիկ լուրեր: Բւուր գիւղում երկու
հայ են սպանվել, Մանկասար գիւղի վրայ յարձակվել
և քահանայի միրութեւն փետել էին, գիւղացիներին
բռնի բանեցնում էին զօրանցի շինութեան վրայ,
բազմաթիւ ընտանիքներ թալանվում էին և հազար
ու մէկ անգթութիւնների ենթարկվում. նոյն իսկ խմբ-
բազմութիւն տան վրայ յարձակուել և կնօջ թիւը կոտ-
րել էին: Վրէժխնդրութեան ոգով լցուած խումբը
այդ բոլորի դէմ արիւնով բոց դրելու համար սպասում
էր յարմար առիթի, որը անակնկալ կերպով աւելի
շուտ ներկայացաւ: Քրդերը, լսելով նրանց մասին՝
մեծ բազմութեամբ յարձակում են գործում խմբի
վրայ: Այդ լինում է սեպտեմբերի 14-ին առաւօտեան
պահուն:

Քրդերի բազմութիւնը ու նրանց կրած զէնքերի
առաւելութիւնը չէին սարսեցնում խմբապետին: Նա
կանոնաւորելով իր մարդկանց, պատրաստվում է դիմա-
դրութեան: Շատ չ'անցած՝ սկսվում է սոսկալի ընդ-
հարումը, որը միանգամայն արժանի է հ Ր Ո Ս Ա
Կ Ա Ն Կ Ո Ւ Ը փայլուն անուանը:

«Տ'մահ, ց'մահ»... աղաղակում է խմբապետը
և տալիս կռուի նշանը: Խումբը ձայնակցում է նրան
և օրինակելի անվեհերութեամբ դիմադրում թշնամուն:

Առիւր տեսնում է երկար, մինչ երեկոյ: Թշնամու «հա-
ւարին» հասնում են քրդերի ահագին խմբեր, 400-500
ձիաւոր և հետեակ: Քիւրդ կանաչք անգամ գուրս են
գալիս տղամարդկանց փամփուշտներ հասցնելու և վի-
րաւորեալներին օգնելու համար: Քրդերը, ատոծանա-
բար ստուարանալով, պաշարում են հայերին և կռիւն
կենտրոնանում է մի տափարակ դաշտի վերայ:

Յարութիւն ազան, կամենալով փոխել խմբի դիրքը,
առաջ է շարժվում, ճեղքում է քրդերի շղթան, և իր
մարդկանցով մի կողմն է անցնում:

Սակայն այդ հերոսական թռիչքը անզոհ չ'է անց-
նում... խմբապետը, կրծքին ծանր վէրք ստանալով,
«ինձ մի նայէք, սիրելիք, մի նչե մահ կռու-
եցէք», գոչում և ընկնում է գետին...

«Մինչև մահ» խօսքերը մի անգամ ևս զրօշմվելով
խմբի սրտում, նորոգում է անզուսպ, անձնուրաց կը-
ռիւր, և միայն գիշերային խաւարն է՝ որ կարող անում

է վերջ դնել ընդհարումին և ցրուել մարտնչողներին:

Ինչպէս պատմում են, քրդերը մէկին բռնում են
ողջ և վրանը տանելով, հարց ու փորձից յետոյ
զլխատում են:

Առուի լուրը օրուայ ընթացքում տարածվում է
ամբողջ շրջակայքը և հայերը պատրաստվում են եղել
օգնութեան գալու: Այդէս Մանկասար և Խօնջալու
գիւղերից գիշերը հասնում են 50 զինուած երիտա-
սարդներ, սակայն այդ միջոցին կռուի դաշար արդէն
դատարկ, ամէն բան վերջացած է լինում, այն դաշտը,
որ մի քիչ առաջ հայ քաջերի արեամբը ներկվել էր.
նորեկները վշտացան, բայց իրենց հետ տարան վրէժ-
խնդրութեան և պարտաճանաչութեան անկողնէլի
տպաւորութիւն:

ՆԱՄԱԿ ԿԱՐԻՆԻՑ

Սեպտեմբերի 24-ին Վարինից 4-5 ժամ հեռա-
ւորութեան վերայ, աւազակների մի խումբ Շամիլ
անուն մէկի առաջնորդութեամբ կտրում են Թորթում
գաւառում Լիսիա և Նիխալ (վերջինիս մէջ գայմա-
գամ է նստում) գիւղերի ճանապարհը, կողոպտում
են 25-ի չափ տաճիկ ճանապարհորդներ ու սալլորդ-
ներ և աւարի են տալիս սալլերի վրայ բարձած
մանիֆակտուրայի, շաքարի, թէյի, բրնձի և այլ ըն-
դեղ կենցիկի պաշարը, որոնք տանելիս են եղել սահ-
մանազկի զօրաց համար: Զ'նայելով, որ աւա-
զակները սալլորդներից իմանում են, որ կէս ժամ
հեռաւորութեան վերայ գտնուող Ա. գիւղում գիշե-
րել են սալլերի հետ սահմանագլուխ դնացող 100
կանոնաւոր զինուոր. այնուամենայնիւ նոքա հանդար-
տութեամբ հաւաքելով իրանց աւարը և կալանա-
ւորներից մէկ տաճիկ սպանելով (այն անձն է, որ իւր
եղբոր և այլոց հետ մասնակցել էր անցեալ տարի ան-
տառում երեք հայ երիտասարդաց կացիններով ըս-
պանման սարսափելի գործին) հանգիստ կերպով բարձ-
րանում են լեռը և դիրք բռնում: Մինչ այս մինչ
այն հնձուր երկու տաճիկ, հեռուից տեսնելով այս
բոլորը, փախչում են Ա. գիւղը և այն տեղից Նի-
խալ գայմագամին իմաց տալիս: Այս ժամ չ'անցած
գալիս հասնում են 30-40 ձիաւոր զրսարդա-
ն եր (լեռների, դաշտերի և ճանապարհաց հսկող զի-
նուոր) իրենց գլխաւոր յալստի Մէմէդ բէգի առաջ-
նորդութեամբ. ապա գալիս են նաև Ա. գիւղում գրտ-
նուած 100 զինուորներն և գիւղացիների ահագին խմբ-
եր: Վառավարութեան զինուորները պաշարման դիրք
բռնած առաջ են խաղում, բայց հանդիպում են աւա-
զակների կատաղի ընդդիմադրութեան. այնպէս որ
վերջիններս զինուած արագաձիգ հրացաններով գըն-
դակի կարկուտ էին տեղացնում թշնամու գլխին:

Այսպէս 15 հոգուց բաղկացած մի խումբ 6 ժամ շարունակ 200 հոգու չափ բաղմունքի տակ զինարկելուց յետոյ յաջողութեամբ ցրուել զբանց, վերադարձուի մի քանիսին. իսկ իրանք մնում են բոլորովին անվնաս մի անգամ ևս ապացուցանելով, որ «Լստուած օգնում է համարձակներին»:

Այս անցքից 3 օր վերջ, երբ աւազակները անհետացած էին համարվում, հարմանի Իդ գիւղի եպլայի մէջ սպանված և թողնված 3 դիակ են գտնուում. երկուսը ամսին 24-ին սպանված տաճկի հօր և եղբոր դիակներն էին, իսկ երրորդը մի տաճկի աղայի: Առաջինների մասին ասուեց, որ մասնակցած էին 3 հայ երիտասարդի սպանման գործին, իսկ վերջինը յայտնի է եղել իբրեւ մի զարշելի կեղեքիչ, որը մօտակայ հայ գիւղերի հոյ երբ ապօրինաբար իրեն էր սեպհականացրել:

Երբ այս եղելութիւնների ազդեցութեան տակ գիւղացիք և կարաւանները զազրեցրել էին իրանց երթեւեկութիւնը, նոյն Շամիլի խումբը կտրում է Սիվրիի կրճից դէպի հիւսիս և այն տեղից հարին տանող թաղաւորական մեծ ճանապարհը: Արդու օր էլ այդ տեղ կողոպտելով անցուղարձ անողներին, խումբը տանում է 2 ձի, թողնելով 20-ի չափ կապուածներ, որոնց մէջ և 3 կին: Կանանց հետ աւազակները սակայն վարուելիս են եղել ազնուաբար և յարգանքով:

Նոյն օրը կեսօրից յետոյ մի ճանապարհի վրայ աւազակներին հանդիպում են Թորթումի կարաւաններից մի քանիսը. զոցանից աւազակները վերցնում են ուսելեաց ամբողջ պաշարեղէնը, փոքր ինչ գրամ և 10 հատ ընտիր ձիանք: Զիատէրներից երկուսը փախչելով, «հաւարի» են գնում մօտակայ գիւղերը: Փոքր ժամանակից յետոյ ամէն կողմերից հասնում են խումբ խումբ զինուած գիւղացիներ: Առաջ է գլխի 3 ժամ տեղ մի բնից հարում: Խումբը, առնելով ձիաները, անյայտանում է, թողնելով կապված ամբողջ կարաւանը:

Հետաքրքիր է, որ Նիխայի գալմագամը առաջին անյաջողութիւնից յետոյ՝ փոխանակ նոր միջոցներ ձեռք առնելու, մի կողմից սպասելիս է եղել, որ յանդուգն խումբը աւարով յագենայ և հեռանայ, իսկ միւս կողմից, վախենալով թէ մի գուցէ խումբը յարձակի իր նստած 100 զինուորով Նիխայ գիւղին վրայ. սորա համար Կարինից և այլ տեղերից եկած զինուորներին պահում է իր մօտ, Նիխայը պահպանելու համար: Համարեա միւսնոյն տակաւիկային են հետեւում և զրօարդարների ու զապահանների խմբերը, որոնք 20-30 հոգուով այս ու այն կողմն են շրջում: Հէնց որ լսվում է՝ թէ մի տեղ աւազակներ են յայտնվել, նոքա դուրս են գալիս, անցնում մի քանի ժամ ապահով ճանապարհ, և ապա ընկնում

են գիւղերը, ամէն բան պատրաստի գիւղացիներից ըստանալու և աղայական կեանք անցկացնելու համար: Յետոյ՝ երբ լսում են, որ աւազակները հեռացել են և ճանապարհները բաց են, նոքա մի պտոյտ են գործում գիւղերը և վերադառնում գալմագամի կամ կուսակալի մօտ իրենց առասպելական անմահ քաջութիւնների մասին զեկուցումներ ներկայացնելու և իշխանութեան շորհակալութեանը արժանանալու համար: Հասկանալի է հետեւաբար՝ թէ ինչպէս Շամիլի խումբը հէնց կառավարութեան քթի տակ, կէս ժամ հեռաւորութեան վերայ կարող էր մարդիկ ըսպանել, քարաւաններ կողոպտել, ամբողջ օրերով ճանապարհներ կտրել, փնտսել ամենայն անցուղարձի և սարսափ ձգել ժողովրդի վերայ՝ քաջութեամբ ցրուելով՝ թէ և խնամամատ աւելի շատ, բայց հոգով փչացած, անբարոյականացած հակառակորդներին:

Վերը բերված դէպքերի մասին ժողովրդի մէջ սկսվել է տարածվել զանազան տարօրինակ լուրեր. եթէ լսել ամբողջին՝ աւազակները բռնվածներից շատերին յայտնած են որ, «մենք ձեզ փնտսելու միտք չ'ունինք. այլ մեր ցանկացած ուրը հարստահարիչ կառավարութեան բարբարոս պաշտօնեաներն են և ալլին»:

2՝ մոռնում ասել՝ որ այդ տարօրինակ աւազակախումբը գեո զեգերում է այս ու այն կողմը. յամենայն դէպս՝ այդ աւազակային խմբից հայերը փնտս չ'են կրում երբեք:

Ն Ե Մ Ե Կ Վ Ե Ն Ի Ց

Թյրքական ճնշումը քանի գնում ծանրանում, անասնելի է դառնում Տաճկա-Հայաստանում:

Ծանր հարկերը ու բարբարոս բռնութիւնները արդէն վաղուց քամել, ուժասպառ են արել հայ ժողովուրդը: Առօրեայ կեանքում կանոնաւոր միմեանց յաջորդող սոսկալի դէպքերը օր աւուր շտապեցնում, մյուս են ժողովրդին դէպի ապստամբութիւնը, որի նշոյլները վաղուց են նկատվում: Պիտի զարմանաք գուցէ և չը հաւատաք, եթէ ասեմ, որ բոլորովին անճարացած հայ ժողովուրդը քարով, փայտով գերանդիով պէտքէ դիմէ ապստամբութեան մեծ օրին, եթէ չ'ունենայ ձեռքին ազատարար հրացանը, փրկիչ տրճանակը: Տենդային տագնապով տոգորված յուսահատ առաջ է վազում այսօր այդ իսկպէս ամէն կողմից իրաւունքների արժանի ժողովուրդը և գուցէ շատ մօտիկ ապագայում խաղաղ կեանք վայելողներս տեսնենք թէ՛ ինչպէս նա յանկարծ բռնկում և պայթում է...

Ահա մի քանի դէպքեր, որոնք լուսաւ անում են մեր առօրեայ ծանր դրութիւնը:

Վանի գիւղերից մէկում մի քաջ հայ գիւղացի կար. Ոչ մի քիւրդ կամ թիւրք երբեք չ'է կարողացել

«ԴՐՈՇԱԿ»-Ի ԱՌԱՋԻՆ №-Ի ՎԵՐԱՀՐԱՏՈՐԱԿՈՒԹԵԱՆ ԱՌԻՐՈՎ

Հայոց Ազգազրական Ընկերութեան գրադարանում պատահմամբ գտնուել է «Դրոշակ»-ի առաջին համարը, որը, ինչպէս յայտնի է, զրակաւ հազարգիւտ վկայաթղթերի թւին է պատկանում:

Այդ համարի արժէքը մեր հասարակական մտքի պատմութեան տեսակետից անկի բան մեծ է:

Հենց այն, որ «Դրոշակ»-ի առաջին №-ը աւելի առարկայօրէն կարող է ցուցահանել «Հայ Յեղափոխականների Դաշնակցութեան» սոցիալ-քաղաքական դաւանանքի ղեթ մի համեմատ անկիւնը՝ դարձնում է այդ համարը գիրագանցօրէն արժէքաւոր դաւանադրերից մէկը մեր աչքում:

Չգիտի մոռանալ, որ հայ մեծ քաղաքական հոսանքին տնտիշապէս նախորդող «Հայ Յեղափոխականների Դաշնակցութեան»-ը պաշտօնապէս ծնունդ առնելով 1890 թւին թիֆլիսում տեղի ունեցած կազմակերպչական առաջին համագումարին՝ ունեցել է իր յատուկ ծրագիրը, համաձայն որի նա մօտ 1½-2 տարի գործել է մեր կեանքում: Այդ ծրագիրը, տարաբախտաբար, իսպառ կորած լինելով, մեզ դրեթէ անյայտ էր մնում:

Նրա մասին միայն այնքանը գիտէինք, այն էլ ենթադրաբար, որ ծրագրի քաղաքական պահանջների գլխաւոր հիմունքներն աւելած էին Թիւրքա-Հայաստանի ինքնավարութեան այն նախագծից, որ էր ժամանակին կազմած և ներկայացրած ունէր Թիւրքի վեհաժողովին Ներսէս Վարժապետեանը:

Եւ ահա «Դրոշակ»-ի առաջին №-ը մեր այդ ոչնչով չհիմնաւորւած ենթադրութիւնը գալիս է վերջնականօրէն հաստատուելու:

Այդ համարում առանց ուրիշ խմբագրական գիտողութեան զետեղւած է, նախ՝ Ներսէս Վարժապետեանի յիշատակած տեղեկագիրը և ապա՝ հենց նոյն համարի երկրորդ խմբագրական յօդւածում, ուր խօսւում է «Հայկական խնդրի լուծման ճանապարհի մասին»՝ հետևեալ տողերն են կցւած. «Ծէջ կըրեհինք «Դրոշակի» այս համարում այդ տեղեկագիրը (այսինքն՝ Ներսէս պատրիարքի. Վ. Ն.), որովհետև մեր այժմեան պահանջների գլխաւոր կէտերը մնում են մօտաւորապէս միեւնոյնը»:

Թւում է, թէ այս տողերից յետոյ այլևս երկու կարծիք չի կարող լինել այն մասին, թէ ոչնէ էր, իսկապէս, «Հայ Յեղափոխականների Դաշնակցութեան» անհեռացած ծրագրի միակ և իսկական ողբերգը:

Անկետի այս ընդհանուր գիտողութիւններից՝ մենք անհրաժեշտ ենք համարում նաև մի երկու յիշեցումն ունել:

«Դրոշակ»-ն իր հրատարակութեան սկզբնական շրջանում հանդէս եկաւ իբրև «Հայ Յեղափոխականների Դաշնակցութեան» պաշտօնական օրգանը**): Այդ կազմակերպութիւնը թէև իր անունով մօտ էր յետադաշտում ծնունդ առած «Հայ Յեղափոխական Դաշնակցութեան», ըայց տարբերւում էր այս վերջինից՝ թէ իր ամբողջ պատմա-փիլիսոփայական աշխարհայեացքով, թէ ծրագրով ու թէ կազմակերպչական խնդիրներով:

1890 թւին տողարեզ եկած «Հայ Յեղափոխականների Դաշնակցութեան»-ը մի պատահական կազմակերպութիւն էր, որը յանուն Թիւրքահայ գաղթի ծնունդ առաւ մեր կեանքում տարբեր քաղաքական խմբակներին մէջ կիցած պատահական դաշնակցութեան հետաձեռով:

Այդ կազմակերպութեան քաղաքական դաւանանքի խորութիւնն, ինչպէս քեզ վերն առաջինը, Ներսէս Վարժապետեանից հետոն չէր գնում, կազմակերպութիւնը չունէր առաջադրած սոցիալական զրեթէ և ոչ մի պահանջ, իսկ կազմակերպչական խնդիրներում նոր հոսանքը խիստ կենսաբանացման, ցենսրախիտական

սկզբունքի կողմակից էր: Կազմակերպութեան բախանդակ կեանքի զիկավարութիւնը վերադառնաւ էր կենտրոնին, որին պիտի ենթարկւէին միացած բոլոր մարմինները:

«Հայ Յեղափոխականների Դաշնակցութիւն»-ը այս ձեով գործեց մեր կեանքում միայն մօտ 11/2-2 տարի: 1892 թ.ի երկրորդ ընդհանուր ժողովին, շնորհիւ մինչ այդ եղած առարձայնութիւնների, հին հոսանքը քայքայւեց ու նրան եկաւ յաջորդելու «Հայ Յեղափոխական Դաշնակցութիւն»-ը:

Տարածայնութիւնները պատահականորէն դաշնակցած յեղափոխական խմբակների մէջ կրում էին բաւականին լուրջ կերպարանք:

Կազմակերպութեան ընդդիմադիր թիւը, որ կարողացաւ յետագայում հիմք դնել «Հայ Յեղափոխական Դաշնակցութեան», իր դադարարական մկրտութիւնը ստացած լինելով սոցիալիզմի աւազանում՝ չէր կարող հեղափոխութեամբ այս վերջինից հրաժարուել և իր քաղաքական դաւանանքը դարձնել à la վարժապետեան կողմած ծրագիրը:

Այդ թիւին յարողները զէմ էին նաեւ կենտրոնացման, ցենսրալիզմի սկզբունքին և ջեքմ պաշտպան՝ որ խորսիւսդ կառակցութեան կեանքում կերտուէի կազմակերպչական փեղերատիւ սկզբունքը:

Անա նման տարածայնութիւններով ընդդիմադիր հոսանքը հանդէս եկաւ 1892 թ.ի երկրորդ ընդհանուր ժողովին:

Յաղթութիւնն, ինչպէս յայտնի է, թէ մէկ ու թէ միւս կէտում միաց այս թիւին:

Երկարատե պայքարից յետոյ նոր հոսանքի կողմից կազմակերպչական խնդիրների նկատմամբ ընդունեց փեղերատիւ սկզբունքը, իսկ համադրւումարի սոցիալիստական տենդենցներն իրենց փայլուն արտայայտութիւնը դրան այն գերադասեցորէն աշխատանքական ահաւթեան մէջ, որ կցւած է 1892 թ. ծրագրին:

Այդ նոր ժողովում հին ահաւթի մէջ գոյութիւն ունեցող «Դաշնակցութիւն» հասարակ գոյակա՞նը յատուկ անուն պատնալով՝ մտաւ նոր կառակցութեան նոր անւան մէջ, «Յեղափոխականների Դաշնակցութիւն»-ը դարձաւ «Յեղափոխական Դաշնակցութիւն», իսկ նախկին կազմակերպութեան երկրորդ և վերջին ընդհանուր ժողովը՝ դարձաւ նոր քաղաքական հոսանքի առաջին համագումարը:

Եւ որովհետեւ 1890 թ.ի ծրագրից մինչև 1892 թ.ականի ծրագրին արած հակայական թռիչքը կազմակերպութեան հին և նոր թիւերի մէջ սկզբունքների և համոզմունքների անանցանելի խորխորատ էր բացել՝ այդ պատճառով էլ Ա-ր-ը ընդհանուր ժողովում պաշտօնապէս տեղի ունեցաւ առաջին անջատումը՝ յանձինս նախկին համախոհների աջ թիւի:

Սոցիալիզմից դժգոհները թողին կառակցութիւնն ու հեռացան, առանց, սակայն, կեանքում որեւէ նոր հոսանք առաջացնելու:

Իսկ «Դրօշակ»-ն էլ նոյնքան հասկանալի և ընտկան հանապարհով դարձաւ նորաստեղծ «Հայ Յեղափոխական Դաշնակցութեան» պաշտօնական օրգանը:

Յ. Գ. «Դրօշակ»-ի առաջին համարը վերահրատարակում է զբիթ անիոփախ, բնագրի իսկութիւնը պահելու ցանկութեամբ անգամ ուղղագրական և կէտագրական սխալներ Թագւած են հոյսութեամբ, յատուկ կլիշէ և պատկերած նախ թերթի տնւան համար: Չմոտանա՞նք նոյնպէս յիշեցնել, որ «Դրօշակ»-ը տպւել է ոչ թէ վիեննայում, այլ Թիֆլիսում, հասիկանական հետադնդում-նքից խուսափած լինելու համար՝ տպագրութեան վայրը դիմա՞մբ սխալ է ցոյց տրուած:

*) «Դրօշակ» Ա 1, 1890, ևր. Յ. ստորագծումը բնագրինն է. Վ. Ն.

*) Իսկ մինչև «Դրօշակ»-ի հրատարակութիւնը, ինչպէս յայտնի է, լոյս ընծայւեցին «Խոսքի Թերթից» մի քանի համարներ: Վ. Ն.

պաղեց գիւղերու երեսը ծախելը (տասնորդական տուրքը) և հասոյց ձմրան մօտ: -Վիւղացոց մեծ մասը կորսնցուցին իրենց բերքերը անձրևի հեղեղներէն և այսօր ուտեստի կողմից մեծ տառապանաց մէջ են:

Մինչդեռ գիւղացիք խեղճ ու կրակ, թաց աչքով կը նայէին իրենց ջրաողող կալերուն՝ յանկարծ բարձրացաւ մի նոր փոթորիկ: Քրդաց զօրքերը կազմակերպող 4-րդ զօրարաժնի հրամանատարը շրջակայ գաւառներէն եկաւ ՚ի Խնուս: Տեսնելու էր այն տեսարան, որ նոր էր մեզի համար: Զանազան քիւրդ ցեղեր մարտի ու Բէլի անձոռնի խուժանի նման լեցվեցան ՚ի Խնուս: Մի նոր Խորենացի պէտքէր Բիւրակն և Խամուր լեռներուն վերայ, որ ըստ արժանոյն ողբար հայոց աշխարհը...

ՆԱՄԱԿ ՏՐԱՊԵԶՈՆԻՑ

Մեր գրութիւնը նկարագրելու համար՝ սկսենք քիչ հեռուից: Վարնոյ և Պօլսոյ դէպքերից յետոյ, երբ հայկական խնդիրը դառաւ առօրեայ հարց՝ կառավարութեան խտուրթիւնները սաստկացան և մեզ վրայ: Քաղաքական հարցերի առթիւ հալածանքներ ու քստորները ստացան մշտական, բրնձիքական բնատրուրով: Փակ վեցին տեղական կուրծները վաճառական Շ. բանտարկվեց խորքերը վէճք փոխադրելու պատճառաւ: Ըրտես Մամբրէ վարդապետի ցուցմունքով ձերբակալվեցաւ Աւստրիոյ հիպատոսարանի թարգման և քաղաքումս յարգված Պետրոս Մարիմանը իր եղբօր հետ՝ վերջինս սակայն շուտով ազատվեց, իսկ Պետրոսը քստորվեց Աքիա: Սրտաճմլիկ էր այն տեսարանը, երբ քաղաքիցս Պօլիս ուղարկելիս՝ ժողովրդի ահագին բազմութիւն թափվել էր նաւահանգիստը յատկապէս իր լիմնաւ բարեաւը՝ աւելու ազնիւ յեղափոխականին. կարծես ժողովուրդը հանդիսաւոր կերպով երդվում էր անդադար կռուել այն գործի համար, որին զոհ էր գնում իր սիրելի որդիներից մէկը... Այնուհետ՝ շատ չ'էր անցել, երբ տեղի ունեցան Ազգային դպրոցի մի ուսուցչի, առաջնորդարանի քարտուղարի, մի տիկնոջ և վերջը՝ նոյն դպրոցի տեսչի բանտարկութիւնները: Սորանից յետոյ հասկանալի է թէ՛ ինչ ուրախութեամբ էր նայում ժողովուրդը այն հրդէհի վրայ, որը լափեց ոստիկանատան և փոստայի մեծ շէնքերը՝ հասկանալի է նոյնպէս թէ՛ ինչպէս էր նա բացատրում այն ժամանակ կատարված փորձերը՝ թունաւորել ընդհանուր դատախազին և ուրիշներին: Յիշեալ բանտարկեալներին դատում էր նահանգական դատարարանը. նիստի օրը սրահը լիքն էր հասարակութեամբ և տեղական պաշտօնականներով: Ամբաստանեալները՝ օրէնքի 58-րդ յօդուածով մեղադրվում էին նրանում, որ կազմել են դալտնի ընկերութիւն տէրութիւնից մի մասը անջատելու և անկախ կառավարութիւն հաստատելու համար: Մեղադրեալները պնդում էին, որ դատախազի

ասածները հիմնուած լինելով ուրիշի գրած մի նամակի և լրտեսի տուած տեղեկութիւնների վրայ՝ զուրկ են որ և է օրինական արժանաւորութիւնից: Չորս ժամ խորհրդակցելուց յետոյ՝ յայտարարվեց. արդարացնել Տիկին Պայծառին, քարտուղար Ճանիկ Վարդանեանին և Յովսէփ Արղութեանին. իսկ քաղաքիցս անյայտացած ուսուցիչ Խուշպուլեանին և Տեսուչ Բարսեղ Զատարեանին ենթարկել բերդարգելութեան, առաջինին 7 և վերջինին 4 տարով: Ուշադրութեան արժանի է, որ Զատարեանի միադրական կէտերից մէկն էլ նրա բարձրագոյն ուսումն էր, -պղպիսիք աւելի վտանգաւոր են: Արղութեանը և Զատարեանը Պօլսոյ բանտարկված Յակ. Վարդապետի կեանի հետ իրրեւ ուսաստաններ՝ յանձնվեցին իրենց կառավարութեանը, որը քստորել է Կովկասից Ռուսաստան, առաջինին՝ 6 ամսով, երկրորդին՝ 1 տարով և երրորդին՝ 3 տարով:

Խտուրթիւններ և հսկողութիւնը չը դադարեցին քաղաքում և այս դատից յետոյ. հեռագրատան ծառայող հայերը պաշտօնազուրկ եղան. միաձայն առաջնորդ ընտրուած սրբազան Սրուանձտեանը չ'է հաստատվում Գրան կողմից. մեր կողմերի մի քանի տեղերում Ռուսաստան գնալու անցագիր չ'են տալիս հայերին. Ալաշկերտից ոտքով և հսկողութեամբ բերվում են այստեղ նազարէթ աղայի և Պ. Հայկունու ընտանիքները Անատոլիայի խորքերը քստորելու համար և վերջապէս դեկ. 26-ին ձերբակալվում են կրկին 3 երիտասարդներ -Վարդան Թիւրեաբեան, Մկրտիչ Նասիկեան, և Միհրան Մարիմեան:

Ուղիղ է ասած, որ թշուառութիւնը մօտեցնում է մահկանաց: Յիշեալ դէպքերի առաջ լուսաւորչականութիւնը, կաթօլիկութիւնը և բողոքականութիւնը հետզհետէ կորցնում են իրենց անջատող դոյժը և բոլոր դաւանութիւնների հայերը այսօր միանում են իրար հետ ընդհանուր շահերը պաշտպանելու համար. օրինակները քիչ չ'են, բայց թուելը հեռու կը տանէր մեզ: Գորա հետ միասին բռնութեանը ընդդիմադրելու դէպքերը օրէցօր շատանում են: Սիրմէնէ գիւղաքաղաքի հայ ուսուցիչը իր վրայ յարձակուող թիւրք աւազակներին ցրվում է, վիրաւորելով նրանց: Տեղացի մի քանի եւանդոն գիւղացիք, ստիպում են իրենց լիմարաբաններին՝ ձեռք վերցնել գրաւած հողից և բաւականանալ պարտքերի կիսով միայն: Գեկտեմբերին Շարին-Վարահիսարում յեղափոխականների ձեռքով սպանվեց լրտես Հաճի Վարապետ վարժապետը: Նոյն տեղը կատարվել են բազմաթիւ խուզարկութիւններ և բանտարկվել են մօտ 20 հոգի. վերջապէս ինքը կառավարութիւնը անուղղապէս պատուիրել է հարկահաններին ոչ մի կերպ չ'անել հայերին:

Այդպիսով մի կողմից ազգային շահերի և յեղափոխական կռիւ գաղափարը աւելի և աւելի է տարածվում

Հայերի մէջ, իսկ միւս կողմից կառավարութիւնը, խստացնելով իր հաւածանքները՝ միաժամանակ հարկադրված է և կողմնակի զիջումներ անել հայերին:

ՆՆԻՔԻՆ ՏԵՍՈՒԹԻՒՆ

Տխուր և ծանր պարտականութիւն է ներքին տեսութիւն կազմելը առհասարակ հայերի դատը պաշտպանող թերթի համար: Տաճկական բանտերի ինկվիզիցիա, քրդական աւարառութիւններ, թագաւորական պատուով ընդունվող աւաղակներ, խաչ բարձրացած հերոսներ, բռնի կրօնափոխութիւն, իրենց մայրերի արգանդում գերեզման գտած երեխաներ... պատմութեան խորդ վաւակ հայերի անվերջ նահատակագրութիւն...

Ո՞ր տեղից սկսենք. ինչո՞վ վերջացնենք: Կարդացէ՛ք մեր թերթի այս համարում տպուած լուրեր և թղթակցութիւնները, կարդացէ՛ք արտասահմանեան ուրիշ հրատարակութիւնները և կը տեսնէք, որ հազարաւոր աղետալի լուրերը կրկնվում են ամենաճշիշ միակերպութեամբ: Մեծն Հայաստանից սկսած մինչև Կիլիկիա, արևելքից-արևմուտք, հիւսիսից-հարաւ՝ նոյն ցաւերը, նոյն աղետները, նոյն դժոխքը: «Կ'սպանեն քրդեր», «քրդեր կ'սպանեն», «բռնի կը տաճկացնեն», «երկրիւն կ'տաճկանան», «կ'վառեն դէղեր», «տաւարը կ'քշեն», «բռնի կ'բանեցնեն», «կ'ծնեն ու կ'բռնաբարեն կանանց»- ահա ինչպիսի արիւնով գրած նախադասութիւններ են անդադար հնչում տաճկահայերի վիճակով հետաքրքրվողների ականջում: Հազարաւոր Հերովդէսներ, Ներոններ, Լանկ-Թամուրներ ոտնակոխ են անում մեր Մայր-Հայաստանը, ցրւում, մաշում կոտորում են հայերին... Ձեռքից գնում է, կորչում է Հայաստանը, կարելի է մտածել այդ սոսկալի երեւոյթների առաջ... Թշուառ, տարաբաղդ, անպաշտպան ժողովուրդ. ո՞վ է այն համարձակը, որ քեզ օգնելու համար պէտքէ երկրիւ չ'ունենայ դժոխքը ոտք կոխելու. ո՞ր է այն հսկան, որը զարհուրելի ճնշման տակ, չ'ը կորցնէր բաձրաձայն բողոքելու կարողութիւնը... Ո՞ր են միւս հայերը. ինչ են անում նոքա այս տագնապի այս ձգնաժամի միջոցին: Թողնելով ամբողջ հարցնում ենք, ի՞նչ է անում մեր նիւթապէս աւելի ապահով և մտաւոր կեանքի ճաշակը առած հասարակութիւնը. ինչո՞վ են զբաղված մեր կեանքում որոշ գիրք և դեր ունեցող պաշտօնական մարմինները. ի՞նչ է ներկայացնում ընդհանրապէս նոյն իսկ մեր երիտասարդութիւնը...

Դարձեալ տխուր մտածմունքներ, կրկին սև գոյներ...

«Եթէ ես համոզված լինեի, որ Տաճկահայաստանը անպատճառ կ'ազատվի», «եթէ մենք ունենայինք Գարիբալդիի նման մի մարդ», «եթէ գործի գլուխ անցնէին փորձված ու գիրք ունեցող մարդիկ», «եթէ մի բան

արդէն արուած լինէր և այլն և այլն՝ մենք չ'էինք խնայել ոչ մի տեսակ զոհաբերութիւն»-լսվում է ամենայն օր մեր հասարակութեան մէջ հազար ու մի տեսակ վարիացիներով: Հաւատալ այդ խօսքերի անկեղծութեանը, բացատրել այդ անհեթեթութիւնները պատմական երեւոյթների վերայ դադափար չ'ունենալովը. թէ այդպէս են խօսում մահաշունչ բերաններ, որոնց ժլատիտներից անգամ օձեր կարելի է քաղել, բայց և այնպէս ներկայիս գրութիւնը հետեւեալն է. որովհետեւ պարոնները «համոզված չ'են», որովհետեւ «Գարիբալդի չ'աւնինք» ինչպէս չ'ունենին և իտալացիք իրենց ազատութեան նոյնանման շրջանում. որովհետեւ «փորձված ու յայտնի մարդկանց» պահանջը այնքան առաձգական է, որ միշտ կարելի է չը բաւականանալ ձեր տուած անուններով. որովհետեւ վերջապէս գերի տաճկահայը առաջին ապստամբական քայլերը անպայման յաջողութեամբ «գեռ չ'է արել». ուստի մեր հասարակութիւնը հրաժարվում է որոշ ներգործական դիրք բռնելու իր ազգի և հայրենիքի վերաբերմամբ: Ահա մտաբերում ես անմահ բանաստեղծի խօսքերը. «Ախ, ինչպէս կ'ուզէի... միայն այդ չը բաժանէր ինձ իմ կույսկէն», Խնչ արած. երեւի մինչև Տաճկահայաստանը չ'ազատվի հայը մարդ չի գառնալ...

Միւս կողմից իրերի այս տխուր միջոցին ժողովրդի շահերը պաշտպանելու հրաւիրված Պօլսոյ պատրիարքարանը Աղբանի՝ գիշատիչ էֆէնդիների և սևարիւն վաշխառուների այդ ներկայացուցիչ պատրիարքի բերանով կամենում է համոզել հայ ժողովրդին, որ նրա դժոխքը արքայութիւն է, նրա տատասկոտ ուղին կանաչազարդ մարգագետին: Մենք խօսում ենք, իհարկէ, այն կոնդակի մասին, որը կարգացվեցաւ Տաճկահայաստանի բոլոր քաղաքների եկեղեցիներում: Այն ժամանակ, երբ մեր հայրենիքի ամէն մի անկիւն ներկվում է աշխատաւոր հայի անմեղ արիւնով. այն ժամանակ, երբ դէպի հայը կատարվող անգթութիւնները հասնում են իրենց գագաթնակէտին. վերջապէս այն ժամանակ, երբ օտարազգիք անդամ հայի այս չափ թշուառութիւնները ամեթաբեր են համարում մեր ազգութեան համար, այդ միջոցին հայ ժողովրդի կրօնական քաղաքական ներկայացուցիչը աղաղակում է. «Գերծ մ'նացէ՛ք որումներից, հեռու եղէ՛ք այն ամէնից, ինչ կարող է կասկածանքի ենթարկել հայ ազգի դարեւոր հպատակութեան զգացմունքը...» Իզուր չ'է կարծում մի հեղինակ, որ աշխարհիս ամենաուսեղ թոյնը մարդուս համար՝ իր սեպհականն է. այդպէս ահա Պատ. Աղբանը իր ազգի ամենագթաւոր շրջաններից մէկում զբաղուած է պատմութեան մէջ իր համար անէճքների էջեր հարստացնելով:

Դառնանք վերջապէս մեր երիտասարդութեան: Մեր

սիրտը սեղմվում է հարցի քնքշութեան առաջ, բայց և անկարելի է բարձրաձայն չլսոտովանել, որ մեր երիտասարդութիւնը ընդհանրապէս, այսինքն մեծ մասամբ, ստոր յայտնվեցաւ այն խնդիրների առաջ, որոնց լուծմանը աջակցելու նրան հրաւիրում են ժամանակը և պատմութիւնը: Սարսափելի իրողութիւն, բայց ճիշտ իրողութիւն... Մի կողմ՝ թողնելով այդ անարժան մեծամասնութիւնից նրանց՝ որոնց փայտեայ կուրծքը և փակ հոգին միշտ անշարժ կը մնան ազգային ու հասարակական պահանջների առաջ, դիմենք գործին այս կամ՝ այն չափով աջակցել ցանկացողներին:

Արքան ամթաբեր հակումներ, որքան հոգեկան չքաւորութիւն, որքան՝ այլանդակ տիպարներ... Ահա մէկը կամ նոյն խոսքի մի ամբողջ խմբակ, որի համար հայկական շարժումը լոկ անձնական զիրքի, անձնական գերիշխանութեան անտէր ասպարիզի հարց է. կուրութիւնը այն տեղ է հասնում, որ ամէն քայլափոխում մոռացվում են թէ ամենապարտաւորեցուցիչ մարդավայել սկզբունքները և թէ գործը, ամբողջ գործը: Ահա մի ուրիշը, որը, խառնելով յեղափոխական գործը պայերից ժառանգած թեթեւ ու անվտանգ ազգասիրութեան հետ, ընդունակութիւն չ'ունի ոչ գործը հասկանալու և ոչ առաւել ևս նրա պահանջներին հասեւելու: Նորորդը, թողած իր անմիջական թշնամիներին, զբաղված է իր հետ տարակարծիք իր հայ եղբայրների հետ մահու կռիւ վարելովը: Չորրորդը, որ երէկ խօսում, շարժվում, տաքանում, ուրիշներին մեղադրում էր անգործնէութեան կամ դանդաղութեան մէջ, այսօր, երբ յայտնուեցաւ, որ յեղափոխական ուղին փափուկ կապերաներով չ'է փռուած. այսօր, երբ հասարակութեան ցնցած տրամադրութիւնը իջել է, այդ չորրորդը, ասում ենք, այսօր ամենալըրարար, կարծես յագեցած իր պատճառած վնասներովը, յետ է քաշուել, մոռացել է ամէն բան: Վերջապէս հինգերորդը յեղափոխական գործը բացարձակապէս իր համար շահախնդրութեան ու թեթեւ կեանք վարելու յարմար միջոց է համարում:

Այո, մեր երիտասարդութիւնը ունի մի որոշ մաս, որի շրջանում մի փնտռէք ո'չ գործի համար անհրաժեշտ դիսցիպլինա, ո'չ հաւաքական մարդավայել գործնէութեան զգացմունք, ո'չ միանգամից ընդունած յեղափոխական սկզբունքի բոլոր հետեանքներից չք խուսափելու կարողութիւն, ո'չ պատշաճ շրջահայեցողութիւն ո'չ տարրական անհրաժեշտ անգամ...

Անբաղդ հայրենիքի անարժան որդիք, անպաշտպան մօր ստորակ զաւակներ...:

Իսկ թշնամի... Իսկ առանց այն էլ հզօրագոյն մեր թշնամին ամբացնում է իր սահմանները, ամէն

կերպ սաստկացնում է ժողովրդի ճնշումը, հայի անվարձ աշխատանքով նորանոր զօրանոցներ է կառուցանում և քիւրդերից զօրք կազմելով՝ երկրի պահպանութիւնը յանձնում է հայութեան այդ դարևոր թշնամիներին...

Սակայն այս ու՞ր հասանք շարունակ աննպաստ երեւոյթներ, շարունակ բացասական պայմաններ. միթէ՞ այդքան տխուր է իրերի վիճակը, այդքան խաւար մեր ներկան. միթէ՞ մեզ մնում է բացագանչել՝ «մեռ'իր, խեղճ հայրենիք, որդիքդ սիրտ չ'ունին»:

Իհարկէ, այն ժամանակ, երբ Հայաստանը հազարաւոր վէրքերից արիւնաքամ է լինում, այնպիսի մի սուր ժամանակ, երբ պէտք է վճռուի հայութեան ապագան՝ յիշած երեւոյթները առանձնակի նշանակութիւն են ստանում, ճնշում են ամէն-մի ճշմարիտ հայենասիրի սիրտ առանձին ծանրութեամբ: Բայց քարերաղլարար անզգայ բուրժուան, դաւաճան պատրիարքը, անարժան երիտասարդը չ'են, որ որոշում են իրերի դրութիւնը, լուսաբանում են մեր ներկան. դժբա չ'են, որովհետեւ դժբա ազգ չ'են կազմում:

Բերած երեւոյթների հետ զուգընթացաբար այսօր մեր աչքի առաջ են նաև ուրիշ գոյն կրող, ուրիշ լեզուով խօսող ու աւելի զօրեղ պայմաններ: Ասակած չէ կարող լինել թէ որ կողմը յաթող կը հանդիսանայ: Նախ՝ ընդհանրապէս դատապարտելի մեր երիտասարդութիւնը այնուամենայնիւ իր միջից դուրս բերեց մի փոքրամասնութիւն, որը դիմաւորեց իր ազգի մեծ դատին առանց տատանմունքների: Այդ մասն է, որ միախառնվելով ժողովրդային հոսանքին՝ յանձնել է իր կեանքը պատմական անխուսափելի ալիքներին. դա է, որով ապրում է յեղափոխական կազմակերպութիւնը. դա է, որ մի կողմից անընդհատ դիմադրում է հասարակութեան անտարբերութեանը և միւս կողմից գործի մէջ, ամբոխի հետ շփվելով, նորանոր կայծեր է նետում ժողովրդական կեանքի բորբոքված մթնոլորտի մէջ:

Բայց և այդ երիտասարդութիւնը չ'է, որ կազմում է այսօր մեր ազատութեան գաղափարի յենարանը:

Այդպիսի յենարան կարող է լինել միայն ինքը տաճկահայը, տաճկահայ ամբոխը, որի կեանքը այսօր լի է նշանաւոր արտայայտութիւններով: Ահա ձեզ պատանի հասակում հայ օրիորդ, որը սպառնում է հարազատ հօրը իր կուսական ձեռքով մեռցնել՝ թէ նա համարձակէր դաւաճանել հայրենիքի սուրբ կռուին: Ահա հայ գեղջկուհիներ, որոնք ցուրտ ձմրանը կտուրի վերայ դիտում են շուրջը, որ ներսը անվտանգ կայանայ յեղափոխական երիտասարդների խորհուրդը: Ահա մի քանի հասակաւոր կանայք, որ պարապում են իրենց ամուսինների հետ միասին հրացանների փոխադրութեամբ ամենավտանգաւոր մի ճանապարհի վերայ:

Կարգացէ՛ր, այս համարի լուրեր ու թղթակցութիւնները: Աւաշկերտում հայ հրոսակային խումբը հերոսական պատերազմ է մղում մի ամբողջ օրուայ ընթացքում հարիւրաւոր զինուած բրդերի հետ, պատուում է նոցա ահռելի շղթան ու գիտակցական նահատակների արիւնով ցօլում է հայաստանի հողը: Օ. գիւղը քշում է ամբողջ 200 հոգի զինուած բրդեր: Կարինում Շամիլի խումբը իր համարձակ քայլերով արհամարում է թշնամու վտանգը. Վանում սպանվում է ատելի պաշտօնեան Շաբին-Կարահիսարում մահով է վարձատրվում Հաջի Կարապետ ուսուցիչը իր մասնութիւնների համար. Տրապիզոնի շրջակայքում գիւղացիք սպառնալիքներով ստիպում են վաշխառու էֆէնդիներին զիջանել իրենց պարտքերի ամբողջ կէսը: Պատրիարքը պնդում է իր կոնդակում, որ բոլորովին ժամանակ չ'ունի ներքին գործերով զբաղվելու- այնքան անհանգիստ է ժողովրդի քաղաքական տրամադրութիւնը: Բիւրդը, որի անունից մօտիկ անցեալում դողէր ընկնում հայի սիրտը՝ այժմ կասկածելով, որ այս կամ այն հայ գիւղում հրացաններ կարող են լինել՝ ծռում է ճանապարհը, հեռով է գնում. Կառավարութիւնը կարգադրութիւններ է անում երկրի խաղաղութիւնը պահպանելու համար հարկահանութեան ժամանակ հայերի հետ մեղմ լինել: Բանտարկւողների աքսորվողների թիւը օրից օր աւելանում է. յիշենք հանձարաւոր մադկանց կարծիքը. «բանտերը պաշտօնաւոր օրօրաններ են, իսկ նահատակները ազատութեան հրդեհի վառելիք»: Իսկ ընդհանրապէս տաճկահայերի գիտակցութեան մէջ վերջին տարիներում կատարված հսկայական փոփոխութիւնը, - այն փոփոխութիւնը դէպի քաղաքական մաքի հասունութիւնը, որը 40-ական թուականներից մեր ամենանշանաւոր հայրենասէրների իգէալն էր կադմում. Աւաշկերտից գրում են՝ «ժամանակները փոխվել են...» Վանից՝ «Ժողովրդի տրամադրութիւնը սպառնալից է...» Նոյն է Մշում, Կարինում, Բիթլիսում: Յիշեցէք Դրօշակի նախընթաց համարի ներքին տեսութիւնը: Ահադին տարածութեան վրայ ամենայն տեղ սիրով ընդունել և աջակցել յեղափ. գործիչներին, Անկերու թեանը միշտ օգնելու պատրաստականութիւն յայտնելը, յեղափոխ. խմբեր կազմելը և այլն այժմ ընդհանուր երևոյթներ են տաճկահայերի կեանքում: Ամէն տեսակ զոհողութիւնների պատրաստականութիւնը աչքի է խփում հայ ժողովրդի, հայ ամբոխի մէջ և Տաճկահայաստանից դուրս, յաճախ շատ հեռու անգամ...:

Իսկ եթէ այդպէս է՝ կարելի է արդեօք չափել միլիիօնաւոր ժողովրդի կամքի ամենակարող ոյժը. կարելի՞ է արդեօք չը նախազգալ ապաւայի մեծ դէպքերը... Գիտե՛ք, ընթերցող, ինչպէս է նայում Հէյնէի հանձարը ամբոխի ու նրա ոյժի վերայ: Ամբոխը, ասում

է նա մօտաւորապէս, այն «մեծ յիմարն» է, որի գլուխը թակել, որի համբերութիւնը ՚իշար գործ զնել կարելի է, ինչքան և կամենաք. դա այն «մեծ գլխանի անմիտն» է, որին աներկիւղ կերպով կարող էք զրկել, արհամարել և հարստահարել, ինչքան հարկաւոր է ձեզ. նա մեծ մասամբ այդ ամէնի համար շնորհակալ էլ է լինում ձեզանից: Բայց Աստուած մի արասցէ, եթէ «մեծ յիմարը» հանաքի համար անգամ՝ սկսի բարկանալ. նրա բազուկը այնքան ուժեղ է, նրա մարմինը այնքան հսկայական, ձայնը այնքան որոտալից, որ թևի մի շարժումից, դլխի մի թափահարումից, ձայնի մի որոտումից գահեր են կործանվում, տէրութիւններ են խորտակվում, իշխողներ-դատաւորներ են տապալվում, երկրի բոլոր միւս ձայները լուրում են... Օ՛, շատ վտանգաւոր, սարսափելի վտանգաւոր է այդ «մեծ յիմարը» իր «ցնցումների» ժամանակ...:

Հայ ժողովուրդը՝ հայ ամբոխը, «հայ-մեծ յիմարը» դարերով տանջվել և լռել է, դարերով կեղեքվել և համբերել է. բայց... բայց այսօր նա ցնցվել ու վրայ է... Թո՛ղ. դողան ուրեմն նրա թշնամիները, որոնց անկումը անխուսափելի է. թո՛ղ կասկածանքով թռնաւորվին նրա արիւնը արբողները, որոնց օրերը հաշւած են: Անպարտելի փոթորկի նման կ'անցնի հայ ժողովրդի զայրոյթը ահագին տարածութեան վրայ, կը փշրէ, կը խորտակէ այն ամէնը, ինչ խեղդում է նրա կեանքը ու տաճկա-բրդական ընթիմի փլատակների վերայ կը պարզէ իր ազատութեան յաղթական դրօշակը...:

ԴԱՇԱՆԿՈՒԹԵԱՆ ԿԱՆՈՆԱԴՐՈՒԹԻՒՆԻՑ

Մահու պատիժը հայերի վերաբերմամբ ընդունվում է միմեայն անպայման ապացուցված դաւաճանութեան դէպքերում:

ՎԱՐՉԱԿԱՆ ԿԵՆՏՐՈՆ

Ներկայ համարից սկսվում է տպագրութիւնը այն նըւիրատվութեանց, որոնց մասին խոստացվել է:

1890 թ. Օգոստ. 1 ից: Բ. Ն. Շ. Ի., - 5500 ռ. Նոյ 1 ից Դմատ - 100 ռ. Նն, 7 ռ. Աա - 12 ռ. Ծառ - 41 ռ. Կայծիկ - 75 ռ. Փռնը - 74 ռ. Աֆ - 27 ռ. Բ - 4429 ռ. 184. N 100 ռ. X 200 ռ. N. 40 ռ. Խ 41 ռ. Տիկին 516 ռ. Գիս 6 ռ. *** 553 ռ. Նր 50 ռ. Կայծիկ - 190 ռ. Խմբ N 1 - 41 ռ. Գի 130 ռ. ** 460 ռ. Փռնը 36 ռ. Խմբ N 1 - 62 ռ. N լիս 5 ռ. 1891 թ. Յոնվ. 1 - ից * - Խս 150 ռ. Դար 300 ռ. Խ 68 ռ. Ն - Ի 450 ռ. Կայծիկ 80 ռ. Խ - գիւղ 80 ռ. Վ. գիւղ 200 ռ. Ա գիւղ 84 ռ. Աք - 136 ռ.

(կը շարունակուի)

Դաշնակցութեան անձանցներից խնդրվում է թըղթակցութեան և նուիրատվութեան համար գիմել

Docteur Longo, 12 Rue de Puteaur, Paris.

Դաշնակցութեան ազատ տպարան